

Date – 23/10/2025
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

- 1. Mizoram Tipper Association bultumin tukin dar 7 atang khan Vairengte leh Aizawl inkar kawngpui siamthat nawr dan kawngpui an dang.**
- 2. YMA Inkhawmpui Lian vawi 75-na chuan Mizoram chhunga inkalpawhna kawngpui hrang hrang chhia avanga mipuiten harsatna an tawh sukiang turin Sawrkarin tun aia chak zawkin hma la rawh se an ti.**
- 3. Nungcha humhalh kawngah India chuan nasa taka hmasawnin khawvel pumah ramngaw nei zau pakuanaah a inhlangkai**
- 4. Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chung leh ram pawn mipuite hnenah thu a sawi leh dawn.**

<><><>

NATIONAL HIGHWAY BLOCKADE

Mizoram Tipper Association leh Kolasib Joint Action Committee ten tukin atang khan Vairengte leh Aizawl inkar kawngpui siamthat nawr dan kawngpui an dang a,

Tukin dar 7 atang khan kawngpui dang tanin Kolasib atanga Aizawl leh Silchar lam pan lirthei chhuak pakhatmah a awmlo niin kan corr chuan a sawi a ni. Mizoram Tipper Association leh anmahni thlawptute chuan Sorkar leh NHIDCL hnuaia contractor te hian kawngpui siamthat an tum thu hi an sawi thin a, thal khat pawh a daih lova, chuvang chuan rintlakah an ngai tawh lo an ti a, an kawngpui siam chhun pawhin a daih rei ngai lova, lirthei neitute leh driver ten nasa takin an tuar a ni an ti.

Kan corr report lo ngaithla ang.

Pawl pahnihte hian Mizoram châk lakna kawngpui Vairengte - Sairang leh Bairabi - Kolasib inkar kawng khuar laite hnawh hna leh thawmthat hna thawh mek ni mah se, an hnathawh a chak tawh lo hle an ti a, tun anga an thawh reng chuan Mizoram kawngpui pawimawh hi kumin mai pawh ni lo, nakum fur hma pawhin an siam zawh a rinawm loh thu leh nakkumah phei chuan tun aia a chhiat nasat zawk an rin thu an tarlang a ni.

<><><>

GOVT WARN AGAINST NH BLOCKADE

Hetihlai hian Home Minister Pu K.Sapdanga'n Mizoram chak phurh luhna ber, Vairengte leh Aizawl inkar kawngpui dan tum a ni chu Mizoram sorkarin tha a tih loh thu a sawi a, Mipuite tana harsatna siam thei zawnga hmalak anih chuan sorkarin a tul ang zelin hma a la ang a ti.

Nimina MINECO Conference Hall-a a hova sorkar aiawhte nen thuthar thehdarh tute an naah Home Minister chuan he thu hi sawiin, Mizoram Tripper Association Driver & Owner Kolasib district ten ni 3 chhung Vairengte atanga Aizawl inkar kawngpui dan an tum chu Mizoram sorkar chuan tha a ti lo a, a ngai thutak hle a ti a, tun dinhmuna kawngpui thawm that kawnga theihtawp chhuah a nih thute bakah, ni li chhung zet kawngpui dan a nih chuan harsatna nasa zawk a thlen palh a hlauhawm thu Home Minister hian a sawi a ni.

Pu K. Sapdanga chuan kawngpui dan luh tum tute chu dan hmanga hrem theih an nih thu sawiin dan kengkawhtu Police te pawh inralrin tir an nih thu a sawi bawk.

He huna thusawitu dang, PWD changtu Minister Pu Vanlalhlana chuan ruah tui a hul tan avangin November thla chhung ngei a kawngpui thawmthat hman a beisei thu a sawi a ni.

He huna tarlan anih dan chuan tunhnaiah ruahtui a tlem chhoh tan avangin lirthei tangkhang a tlem chho zel a, nimin zing dar 8.30 thleng khan lirthei tangkhang a awm lova ni.

Hetihlai hian, Food Civil Supplies & Consumer Affairs Minister Pu B. Lalchhanzova chuan Mizoram sorkarin thla hnih chuang daih buhfai quintal nuai khat sing nga chuang a kawl mek thu sawiin eirawngbawlina gas lakluh kawngah pawh theih tawp an chhuah mek a ti a ni.

<><><>

YMA CONFERENCE

Young Mizo Association YMA rorelna sang ber, YMA Inkhawmpui Lian vawi 75-na chuan Mizoram chhunga inkalpawhna kawngpui hrang hrang a chhiat avanga mipuiten harsatna an tawk nasa lutuk thin a ziaawm theihnan Mizoram Sawrkarin tun aia chak zawkin hma la rawh se an ti.

YMA Rorel inkhawm hi Sakawrdai Chengkawlaw Runa ah Central YMA President Pu Lalhmachhuana kaihhruaiin nimin khan neih a ni a, Sawrkar hmalakna na tur nawr ngai ni a an ngaih te relin, chung zingah chuan Inner Line Permit (ILP) hi tun aia khauh leh awmze nei zawka kalpui a nih theih nan YMA-in Sawrkar-ah thlen rawh se tih leh Tui hnar humhalh dan siam ni rawh se tih te a tel a ni.

Kan corr report lo ngaithla ang.

YMA Inkhawmpui Lian vawi 75-na rorel inkhawmah hian Central YMA Budget 2025-2026 atan cheng vbc 2 nuai 11 sing 4 & 9,935 an pawm a, Kum 2027 a YMA Inkhawmpui Lian chu Vairengte Joint YMA thlen turin Vairengte-ah nghah a ni.

Rorelnaah hian Palai mi 1506 an kal a, kum 2025-2027 Kumpuan atan “Ruihhlo Do” thlan a ni bawk.

Hei bakah hian YMA Khawih an thurel zingah ah chuan - YMA inkaihhraina leh nihphung leh hruiute mawhphurhna rampumah inzirtira neih ni rawh se tih te, Mizoram chhunga hnamdang sumdawng, phalna nei lo tam ta lutuk hi titem turin YMA-in hma la rawh se tih te a tel a, Mizo hmeichhia ten hnamdang pasala an neih zel loh nan Central YMA hian inzirtirna nasa zawkin kalpui rawh se tih te, Mizo Infiamna te chawisan a nih theih nan CYMA in hma la se, Zohnahthlak chi peng hrang hrang Mizoram a chengte zingah chi bil hmalakna a awm tawh loh nan Central YMA in hma la rawh se tih te a tel bawk a ni.

<><><>

LAWNGTLAI OPERATION JERICHO

State Sorkar in rampawn atanga Mizorama ruihhlo luttur danchan beihpui, Operation Jericho a thlak mek chu Lawngtlai District chhungah pawh theihtawp chhuahin kalpui mek a ni.

Operation Jericho ah hian Lawngtlai khawpui luhka, KMMTTP kawngpui (Lawngtlai By Pass Road Junction) a Duty post chu nimin khan Lawngtlai DC, Pu Donny Lalruatsanga leh Lawngtlai SP, Pu PC Lalchunglura ten an tlawh a, Pu Donny Lalruatsanga chuan Ruihhlo danchah beihpui thlakna ah Tlawmngai pawl ten theihtawp an chhuah chu a thlamuanthlakin a lawmtak takzet tih sawiin, Police leh Excise lam Duty te pawh theihtawp chhuah deuh deuh turin a chah a, Sorkar beihpui thlakna Lawngtlai District a kalpui mek chuan Ruihhlo luttur a titemin, heihian awmzia a nei nasa hle dawn a ni a ti a, Duty Post mamawh zualpui thankhat Lawngtlai DC leh SP te hian an hlan.

DC leh SP te hian Duty Post tihchangtlun dan tur an enfiah nghala, a theih ang angin District chhunga Duty Post hrang hrangte chu changtlung zawka thuam tum a nih thu an sawi.

Operation Jericho hi October 13 atangin tan a ni a, ruahmanlawk dan chuan Kumin kumtawp thleng awhtur a ni a, chhunzan zawmin Lirthei kalvel te nguntaka enfiah thin a ni.

<><><>

DAMPA BY ELECTION SCRUTINY

Thla thar November ni 11-a Dampa bial By Election neih tur a hming pe lutte enfiahna chu candidate panga ten an paltlang vek.

Nimin khan Dampa bial Returning Officer Pu Malsawmzuala hovin Mamitah candidate te hming endik a ni a, Pu Malsawmzuala chuan Dampa bial by election chuh tura nomination paper an dawn zawng zawng ten scrutiny an paltlang a, ni 24 tlai dar 3 thleng candidate te tan inhnuhdawhna hun hawn anih nghal thu a sawi a ni.

Dampa bial by-election ah candidate 5 an awm dawn a, BJP chuan Candidate atan Pu Lalhmingthanga thehchhuakin, Congress in candidate atan Pu John Rotluangliana an ruat a, MNF in an candidate atan Dr R

Lalthangliana chhawp chhuakin ZPM chuan candidate atan Pu Vanlalsailova an ruat a, PC party chuan candidate atan Pu K. Zahmingthanga an ruat thung a ni.

Dampa Bialah hian vote thlakna hmun (polling station) 1,276 a awm a, Dampa Bial chhungmi vote nei mipa 10,605 leh hmeichhia 10,185 bakah, sorkar hnathawk (service voter) mipa 111 leh hmeichhia 4 an awm a; vote nei zawng zawng hi an vaiin mi 20,905 niin, mipa 10,716 leh hmeichhia 10,189 an ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

SAINIK

Directorate of Sainik Welfare & Resettlement hmalakna in Aizawl Vanapa Hall ah Ex-servicemen te hriattur pawimawh inhrilh hriatna hun nimin khan neih a ni a,

Sainik Welfare & Resettlement Director Surgeon Lieutenant Commander Lalnuntluanga chuan sipai atanga chawl tawh ten central leh Mizoram sorkar hnuaia hamthatna Scheme hrang hrang an hriat thin loh avangin an hamthatna an chan thin thu a sawi a. Tunlai khawvel changkang zelah pension leh a kaihnauih harsatna hrang hrangte chinfel dan a lo danglam zel avangin, heng thiltharte hi inzirtir a, inhrilhhriat fo a ngaih thu a sawi bawk.

Ex-servicemen leh an chhungte mi thahnem tak pungkhawm in, mithiam ten Ex-servicemen te pension leh record chungchang te, hamthatna an dawn theih scheme chi hrang hrang te bakah Ex-servicemen-te tana hriattur tul pawimawh chi hrang hrang te in hrilh hriat a ni.

<><><>

FOREST

Nungcha humhalh kawngah India chuan nasa taka hmasawnin khawvel pumah ramngaw nei zau pakuanaah a inhlankai. Global Forest Resources Assessment 2025-ah hemi chungchang hi tarlan a ni a. Union Environment Minister Bhupender Yadav chuan sawrkar policy leh programme hrang hrang avangin he hlawhtlinna ropui tak chan anih thu a sawi a. Ramngaw humhalh leh venhim kawngah te, ramngaw siam belh leh mipuite nen tanghoa nungcha humhalhna lama hmalaknate avangin he dinhmun hi an thleng a ni a ti a. Kumkhat chhunga ramngaw neih belh hnem tehnaah India chu pathumna anih mek thu a sawi bawk a. Prime Minister Narendra Modia hmalaknaa Ek Ped Ma Ke Naam kalpui chuan rampumah mipuite a fuih phurin thing phun uar a ni a, hmalam hun atan boruak thianghlim leh ramngaw nei tam tura hmalak zel a ni a ti.

<><><>

PM MANN KI BAAT

Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chhung leh ram pawn mipuite hnenah thu a sawi leh dawn a, Tun tum ami hi a tum 127-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

<><><>

BIHAR

Bihar Assembly inthlan campaign ngawrh taka neih chho mek a ni a.Rashtriya Janata Dal (RJD) Tejashi Yadav chuan Bihar-ah Grand Alliance an sawrkar anih chuan thingtlang hmeichhia Jeevika Didi te tan sawrkar hna nghet pek vek an tiam. Hetihlai hian BJP chuan he an intiamna hi tihhlawhtlin theih loh tur intiamna mai anih thu an sawi. BJP hruaitu Nityanand Rai chuan Pu Yadava thusawi hi chhangin an intiamna chu a tak awm lo anih thu a sawi a. Mite ngaihda ti phirtu mai anih thu sawiin Prime minister Narendra Modia leh Chief minister Nitish Kumar te chuan Jeevika Didis te nunah hlimna tam tak an thlen a ni a ti.

<><><>